

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Minerva, sive de causis latinae linguae commentarius

Sánchez, Francisco

Schoppe, Caspar

Perizonius, Jacobus

Franequera, 1687

Generosissimo magne indolis & exspectationis viro, Sicconi a Goslinga [...]
Neobilissimi amplissimi viri Johannis a Goslinga

[urn:nbn:de:bsz:31-109138](https://nbn-resolving.org/urn:nbn:de:bsz:31-109138)

GENEROSISSIMO
Magne Indolis & Expectationis Viro,
SICCONI à GOSLINGA,

In Collegium Præfectorum Rationi-
bus Frisæ adscito.

Nobilissimi & Amplissimi Viri.

JOHANNIS à GOSLINGA,

Franequerano agro Præfeci,

Honoribus quamplurimis in patria præclare
gestis & gerendis incluti Filio Unico.

S. P. D.

JAC. PERIZONIUS.

Non ex longinquo mihi apud Te,
Vir Generosissime, petendam con-
quirendamve arbitror sollicitam
causarum præfationem, quibus
impulsus hoc, quicquid est operis, ad Te
detulerim, quum eæ in promptu sint & obvix
cuilibet, qui Te meque norit. Si quid heic
præfandum accuratius, hoc illud foret, quod
splendidum Nominis Tui prætextum ad ob-
scuram hanc Grammaticarum disquisitionem,
seu telam, seu laciniam advocaverim.
Sed non aliud mihi nunc suppetebat, quo
tibi de salvo in patriam ex peregrinatione per
Angliam & Franciam reditu gratularer. Et
ta-

tamen volebam omnino publicum exstare ali-
quod mei non modo erga Te studii & obser-
vantia, sed & sinceri monumentum gaudii,
quod sospes & incolumis ad Tuos te recepif-
ses, & totus jam te devoveres ac dederes
Reip. quæ jam ante tuam profectioem, ut
si suum in Te retinendo studium rebus ipsis
declarare, & ideo Te vinculis quibusdam
& compedibus ceteroqui non ingratis de-
vincire sibi prorsus voluisset, contulisse jam
tum in Te videtur amplum sane & decorum
illud adspiciendarum curandarumque publi-
carum Rationum munus, quasi quoddam
Honorum Tibi porro ab ea destinatum, &
sustinendæ deinceps Dignitatis rudimentum.
Nam certe alia & longe etiam majora Tuis
Natalibus, & maxime Tuis animi dotibus
ut debita, ita certo eventura ab ipsa Rep.
ut quæ jam in suæ de Te opinionis & existima-
tionis declarationem, sui que erga te animi
quasi quoddam pignus & firmamentum ista
Honorum Initia tibi ultro ingessit, nulli du-
bitamus. Interim dum hæc Fortunæ tuæ &
Dignitatis incrementa liquido plane augurio
jam præ sagimus omnes, patere me heic in pu-
blico coram omnibus elata voce favere illi ex-
spectationi, quam de Te ipse concitasti. Pate-
re prædicari meæ disciplinæ in hac Aca-
de.

demica primitias ex flore Frisiacæ Nobilitatis, ostentarique aliis Tui Ordinis & Loci Adolescentibus exemplum, ad quod se, suamque vitam & studia componant. Patere publica me hic professione defungi, quid tibi tribuam non amoris modo & studii, sed vel maxime iudicii, ut qui præclaram ingenii Tui vim, generosam Animi indolem, præcipuum liberalium disciplinarum studium, satis explorata habeo, & præ aliis habere possum. Quo jucundius etiam mihi accidit, quod amicitia Tua & familiaritate jam pridem & constanter adeo me dignaris, complecterisque benevolentia & studio prorsus prolixo, rebus etiam ipsis suffragatione Patris tui, Viri Amplissimi, ornatum. Serva mihi hunc animum, hanc voluntatem; & servabo Tibi in sempiternum omnia justæ observantiæ & fidei studia, officia, obsequia. Præsta Reip. expectationis de Te nostræ fidem; & illa præstabit Tibi sine ulla tergiversatione, quicquid Tuis meritis est debitura: agnoscat & excitabit, quod in Te habet bonum, Virtutes tuas excolet, fovebit, venerabitur: Sic velit & faxit Deus! Vale & rem tuam ac publicam feliciter gere.

Franequeræ. a. d. VI. Kal. Martias CIO
IIC LXXXVII.

Præ-